



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-396/12
Sarajevo, 12.3.2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 13-03-2012			
Organizaciona jedinica	Klasifikaciona oznaka	Redni broj	Broj
01-	50-1-	15-20/12	

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničku inicijativu – dostavlja se

Vijeće ministara Bosne i Hercegovine, na 3. sjednici održanoj 7.3.2012. godine, utvrdilo je Odgovor na zastupničku inicijativu koju je uputio Adnan Bašić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša





BOSNA I HERCEGOVINA
VIJEĆE MINISTARA

Broj: 05-50-1-396/12

Sarajevo, 7.3.2012. godine

Adnan Bašić, poslanik u Predstavničkom domu Parlamentarne skupštine Bosne i Hercegovine, na 20. sjednici Predstavničkog doma održanoj 02.02.2012. godine, podnio je sljedeću posalničku inicijativu:

«Inicijativa o donošenju zakonske odredbe o nepovredivosti privatnog prostora (stana ili kuće).»

Na posalničku inicijativu, Vijeće ministara Bosne i Hercegovine na 3. sjednici, održanoj 7. 3. 2012. godine, utvrdilo je sljedeći

ODGOVOR

Nepovredivost doma, privatnog života, porodice predmet je regulisanja brojnih međunarodnih konvencija. Odredbom čl. 8. EKLJP predviđeno je da svako ima pravo na nepovredivost svog privatnog i porodičnog života, nepovredivost doma. Odgovarajuće odredbe o zaštiti prava na dom, na zabranu samovoljnog miješanja u privatni život i porodicu predviđene su i Univerzalnom deklaracijom o pravima čovjeka (čl. 12.) i MPGPP (čl. 17.).

Takođe, dom i privatni život su objekt zaštite po krivičnom zakonodavstvu u Bosni i Hercegovini. To je propisano **članom 170. (Narušavanje nepovredivosti stana) Krivičnog zakona Republike Srpske, članom 184. (Narušavanje nepovredivosti doma) Krivičnog zakona Federacije Bosne i Hercegovine i članom 181 (Narušavanje nepovredivosti doma) Krivičnog zakona Brčko distrikta Bosne i Hercegovine.**

Ovim krivičnim djelom osigurava se zaštita nepovredivosti privatnog i porodičnog života, zaštita nesmetanog i mirnog stanovanja, čime se pojedinac štiti od neovlaštenog uznemiravanja.

Pomenuta krivična djela imaju dva oblika. Prvi je predviđen kao osnovni oblik krivičnog djela narušavanja nepovredivosti doma, dok je drugi predviđen kao teži oblik ovog krivičnog djela ukoliko je narušavanje nepovredivosti doma počinjeno od strane službene osobe u vršenju službe.

Objekt krivičnopravne zaštite je tuđi dom i tuđe zatvorene prostorije, čime se obuhvataju sve prostorije namijenjene stanovanju, bilo da se radi o prostorijama koje

u užem smislu ulaze u pojam doma ili o pomoćnim prostorijama koje su po pravilu funkcionalno povezane sa prostorijama u kojima se stanuje, boravi, kao i prostorije za privremeni boravak, prostorije za zajedničko stanovanje...Radnja izvršenja krivičnog djela određena je alternativno i to kao neovlašteno prodiranje u tuđi dom ili zatvorene prostorije i kao neudaljavanje iz tuđeg doma ili tuđih zatvorenih prostorija na zahtjev korisnika. Počinlac krivičnog djela može biti svaka osoba. Kvalificirani oblik krivičnog djela narušavanja nepovredivosti stana može počiniti samo službena osoba koja radnju preduzima izvan zakonom predviđenih uslova.

Dom, privatni život i porodicu identično štiti i član 171. (Protivzakonito pretresanje) Krivičnog zakona Republike Srpske, član 182. (Protivzakonito pretresanje) Krivičnog zakona Brčko distrikta Bosne i Hercegovine i (Protuzakoniti pretres) član 185. Krivičnog zakona Federacije Bosne i Hercegovine. Ovim krivičnim djelom štiti se pravo na mirno i nesmetano korištenje doma, nepovredivost doma, sloboda čovjeka i njegovo dostojanstvo. Osnovni cilj inkriminacije je zaštita od nezakonitog vršenja procesnih radnji preduzetih od strane ovlaštenih osoba, službenih osoba u vršenju službe.

Dakle, usaglašene zakonske odredbe o nepovredivosti privatnog prostora inkorporirane su u bh., krivičnom zakonodavstvu.

Osim navedenog u vezi ove Inicijative važno je pomenuti i institut *Nužne odbrane*, shodno kojem " Nije krivično djelo ono djelo koje je učinjeno u nužnoj odbrani." *Nužna odbrana* je pravno uređeno pravo čovjeka na samoodbranu, odnosno postupanje upravljeno na odbijanje protivpravnog napada i nema karakter protivpravnog djela. Dakle, ova ustanova postavljena je tako da se dovede u sklad princip samozaštite i princip zaštite prava, odnosno samoodbrana pojedinca i odbrana pravnog poretka.

Krivični zakoni u Bosni i Hercegovini takođe i **krajnjoj nuždi** u zakonom utvrđenim okolnostima priznaju karakter opšteg osnova isključenja krivičnog djela.

Dakle, navedeno ukazuje da postoje usaglašene odredbe u krivičnim zakonima entiteta i Brčko distrikta, koje štite stan ili kuću kada postanu objekt koji je konkretnim krivičnim djelom napadnut ili ugrožen, te po mišljenju Ministarstva pravde Bosne i Hercegovine na ovaj način osigurana je i propisana puna zaštita nepovredivosti privatnog i porodičnog života, zaštita nesmetanog i mirnog stanovanja, kao i zaštita pojedinca od neovlaštenog uznemiravanja.